

延慶縣志卷之一

建置

黃帝畫野分州經土設井立步制畝都十爲師師十爲州分於井而計於州則土著而數詳此建置之始也晁錯曰相其陰陽之和嘗其水泉之味審其土地之宜觀其草木之饒然後營邑立城通田作之道正阡陌之界此又建置之詳焉是以壤錯碁分環視中極譬居之有宮奧漏宦窳而後定故首志建置

高陽氏制九州

雍荆豫梁冀青徐兗揚

地爲冀州之域

有虞氏置十二州地屬幽州

夏復併爲九州地屬冀州

延慶縣志

卷之一

建置

商仍夏制地屬冀州

周爲幽州北境赧王時燕築長城置上谷郡地屬燕燕王八年割山後地與趙遂屬趙

秦始皇帝二十六年分天下爲三十六郡地屬上谷郡

漢爲潘縣爲廣寧縣屬上谷郡

晉屬廣寧郡

魏合上谷廣寧爲東燕州

齊改東燕州爲北燕州

隋省北燕州以其地屬涿州

唐武德中復爲北燕州貞觀中改爲州武宗析置儒州

後唐廢帝三年晉主石敬瑭遣趙瑩以山後十六州

幽薊瀛莫
涿檀順媯

儒新武雲
應朔實蔚

賂遼遼廢媯州號可汗州

自是歷宗至元陷沒四
百二十二年實桑維翰

之創
謀也

宋宣和四年金陷遼新媯等五州以其地歸宋築固疆城守之

六年復陷於金金明昌六年改媯川縣

元仁宗陞縉山縣爲龍慶州

帝生於州之
香水園故名

分懷來縣併割上都

路之宣化府及所屬州縣以益之

明洪武初屬永平府三年改屬北平府後徙民於關內州遂廢

城郭榛蕪者四十餘年十二年置永寧衛

按永寧舊志作永
樂十三年置當從

明史作洪武十二年
置當從明史爲是

永樂十二年車駕北巡駐州東團山西

延慶縣志

卷之一 建置

二

望沃野復置州遷民以實之改龍慶爲隆慶屬北京行部十

二年置永寧縣於永寧衛城十八年州隸京師隆慶元年改

曰延慶領永寧縣宣德元年徙隆慶左衛附永寧縣郭宏治

七年徙永寧衛後千戶所隸於延慶州隆慶元年改隆慶衛

爲延慶衛

今延慶衛
在居庸關

皇清因之順治六年省永寧縣裁知縣一員衛守備一員仍存衛

守備一員管永寧衛事屬宣化東路府康熙四年

諭令宣鎮并保安延慶二州隸山西尋有

旨仍隸畿內三十二年三月內奉

旨永寧衛安靖堡周四溝四海冶四處地方無多錢糧甚少應歸

併附近之延慶州管理五十九年邊外千家店地方併歸州
管理

延慶縣志

卷之一 建置

三

疆域 形勝附 圖

禹貢分九州必以山川定疆界蓋州縣之名時有更改山川之形千古不易誠哉聖人之作也周禮曰惟王建國辨正方位體國經野設官分職以爲民極後之設郡設邑亦其遺意焉延慶

自漢以來因革不常名稱不一而襟居庸帶媯水未嘗或易也

故正方經野建置立而疆域次之形勝附之

東至四海冶一百一十里接懷柔縣界

西至七里橋四十里接懷來縣界

南至陳家堡四十里接昌平州界

北至靳家堡二十里接赤城縣界

延慶縣志

卷之二 疆域

四

東南至永寧南邊牆九十里

東北至營盤口外千家店一百一十里獨石口界

西南至楊董莊四十五里接懷來縣界

西北至莊窠村五十里接龍門縣界

東西廣一百四十里

南北袤八十里

至本府二百里

至京師一百八十里

紅門屯在州東南十五里

黃栢屯在州北十五里

白廟屯在州西七里 以上謂之前七里

榆林屯在州西南三十里

雙營屯在州東北十里

西桑園屯在州西南十二里

泥河屯在州東南十里

岔道屯在州南二十里

新莊屯在州東十三里

東園屯在州北八里 以上謂之後七里

永寧衛

東至火燄山九十里

延慶縣志

卷之一 疆域

五

西至州四十里

南至明陵寢三十里

北至靖安堡三十里

東南至明陵寢山界

東北皆北路界

西南至岔道六十里

西北至大海陀山七十里接北路界

終食屯在衛城內小衙衛

團山屯城在衛西北十五里

順風屯城在衛西北十五里

米糧屯城在衛西北二十里

花園屯城在衛西北三十里 以上五堡係屯堡俱屬永寧衛

舊縣城在衛西北十五里

閻家莊城在衛西北十四里

香水園城在衛西北三十里

小屯城在衛北三里

車房屯城在衛西十三里

孟官屯城在衛北十五里 以上六堡係民堡舊屬永寧縣

大百老屯在衛西二十里

燒窑峪屯在衛西北二十里

延慶縣志

卷之一 疆域

六

白草凹在衛西北三十里

二舖在衛東南十二里

小堡子城在衛北十三里

常家莊在衛西北三十里

羅家臺在衛東南十四里 以上七堡係軍堡舊屬永寧衛

白廟兒在衛北十里

後所屯在衛北六里

高家營在衛西南三里

張家莊在衛南八里

左所屯在衛西北一里

千家店在衛北八里

小水堡在衛西南十里

東西灰嶺口堡在衛南八里 以上八堡

舊屬延慶左衛

上觀頭堡在衛東二十里 係軍堡屬周四溝方

屠家營在衛西三里

吳達子營在衛西八里

東龍灣在衛西十里

西龍灣在衛西十一里

呂莊在衛西二十里

延慶縣志

卷之一 疆域

七

下井莊在衛西南十三里

馬皮營在衛西二十里

房老營在衛西南二十里

石河營在衛西南十八里

寶林寺堡在衛西南十五里

老君堂在衛西南二十里

曹官營在衛西南二十里

衛家營在衛西十五里

小百老屯堡在衛西十八里

祁官營在衛西南二十五里

艾官營在衛西南二十里

吳房屯在衛西北十五里

東所房在衛西十里

西所房在衛西十里

沈家營在衛西二十里

香村營在衛西二十里 以上延慶衛屯堡舊在二衛境內

孔化營在衛西南三里

劉家凹在衛西南十五里

連家營在衛西南二十五里

凹兒舖在衛西二十五里 以上延慶衛城堡舊在二衛境內

延慶縣志

卷之一 疆域

八

井家莊在衛西南二十里 係南山屯堡在境內

羊房屯在衛西北十七里 係懷來衛屯堡在境內

形勝附

唐書地理志東南有居庸塞東連盧龍碣石西屬太行常山實天下之險左右山河古稱重地

五代史幽州西北有居庸關又西北有石門關皆中國控禦契丹之險

元史南挹居庸之翠北距龍門之險

輿圖備考南挹居庸北距龍門地臨險要

地輿摘要南挹居庸北距龍門山則歷山大泐水則媯川玉泉

永寧舊志面臨陵寢背負縉雲東有火燄山以爲之藩西跨白龍灣以爲之帶深溝鉅澗曲寨懸崖挹時雨於海陀之峯收秋稔於苗鄉之埜雖三鎮之僻邑亦四寨之勝槩也

附舊志州境圖說永樂中尙書趙公奉明詔置州遷民以實之披荆棘除草萊立街市人烟繁夥百貨駢集農有餘糧士遵禮教風俗人材稱勝矣迨嘉隆間敵騎七犯延境軍後凶荒迭見延民屢轉以求生活頓失恒性學士家以治生爲亟甘拋筆硯科第寥寥境之不振者一民生以烟火爲亟初延民刈草陵山之麓採薪幙山之陽近南設邊有禁幙山已童民越北山七十里登陟巉巖而後得薪視懷保煤炭之饒永

延慶縣志

卷之一 疆域

九

寧柴木之廣延境之艱於烟火者二邊塞之人恒以糧餉資生各城軍馬數千歲支萬金有無相濟矣本州軍馬僅存二百無走遞之驟而應以操馬無供應之錢而扣以軍糧貧軍尙難存濟州民無所藉賴者三買賣之利盡歸外商二月指麥以借穀五月指穀以借豆不無眼瘡心肉之嘆青衣在公敝裘在市剩有歲暖號寒之人延民貧苦者四境土猶故民窮非昔乃今差繁賦重民不稱擾旱魃爲災民無菜色賴有良守保釐也同一邊境延民獨苦皇華按部使者駐節境上幸垂念焉

星野 災祥附

周體保章氏掌天星以日月星辰之變動觀天下之吉凶以星土辨九州之地所封封域皆有分星以觀妖祥易曰天道下濟而光明地道畢而上行言天地之氣上下交通也是以二十八星離於天九州列於地即躔次之地以察休咎此一定之理三統歷亦言之詳矣夫疆界既定而後星紀攸分故次志星野災祥附焉

天官書玉衡者斗九星也第八主幽州

漢志燕地箕尾分

晉志白尾十度至斗十一度爲析木

按爾雅析木謂之津津謂天漢津梁爲燕地於辰在

延慶縣志

卷之一 星野

寅於州
爲幽

唐志初尾七度餘二千七百五十抄二十一少中箕五度終南斗八度自渤海九河之北得漢廣陽上谷

金史尾三度九十七分九十二抄外燕分

月令志按二十八宿分野延慶則尾星也上谷入尾之一度漁陽入尾三度右北平入尾七度西河上郡北地遼西東入尾十度涿郡入尾十六度今萬全縣舊名上谷漁陽即順天府密雲縣地遼西右北平俱屬永平府以其地之遠近考之延慶當在尾之二度矣

災祥附

史中所載前代災祥未切指本州名目者不敢泛錄

唐昭宗大順二年六月媯州市接災時風雨大至延燒民房百餘間人多焚死者

元泰定二年秋八月龍慶雨雹大如鷄卵平地深三尺

明永樂十五年大有年

十八年大水

十九年水

二十年大有年

二十四年永寧大有年

宣德三年大水

四年永寧春饑有司爲賑秋稔

延慶縣志

卷之一 星野

五年春饑秋稔

正統元年木連理

四年大水有司賑居庸淫雨壞城

五年春饑秋稔

景泰四年大旱

五年春饑有司賑秋大有年

成化十八年七月昌平大水決居庸關水門城垣舖墩臺

二十年正月庚寅密雲古北口居庸關地震城垣墩臺多摧人

有壓者

二十一年大有年

宏治二年大收麥

十三年七月庚申永寧衛燕尾山至居庸關之石縱山東西四十餘里南北七十餘里延燒七晝夜

正德十六年春大饑民屑禹糧石食之

嘉靖六年永寧嘉禾生

十年閏六月大水傷禾

十九年春大旱

二十年春大饑永寧草場災

二十一年大水

二十六年大雨雹

延慶縣志

卷之一 星野

三

二十七年有秋敵入寇殘殺甚衆

二十八年春敵復寇殘殺甚衆

二十九年二月甲子張山營堡山鳴

三十一年永寧大水

三十二年六月永寧淫雨大水壞城大饑斗粟銀四錢

三十三年六月大水壞屋傷稼殺人畜甚多居庸關尤甚崩石

塞關門行者不能取道

三十四年永寧大饑

三十七年永寧有秋敵大入寇

三十八年淫雨三月無秋敵入寇永寧

三十九年大饑人相食暴骨原野

四十年敵大入寇至四十五年止共七犯州境

隆慶元年稔

萬曆二年稔

八年大有年

十年春大疫自懷來漸傳京師明年傳至江南

十四年岔道地震

十五年大有年

二十二年稔

二十三年九月癸巳夜永寧有火光形如屋大隕於西北

延慶縣志

卷之二 星野

三

二十七年大風霾

二十八年春旱早霜殺禾延慶左衛軍家牛產犢二首二尾六足

三十二年春稔秋大雨冬大雪

三十五年秋大雨濮山崩

三十九年春大旱秋雨大有年

四十三年春夏大旱秋雨獲稼

四十五年地震一月餘春大風霾秋雨雹殺稼有司平糶停征

民賴不死

四十六年大旱風霾傷夏麥半秋雨獲收濮山崩

崇禎元年旱至明年春斗米千錢

十一年四月雪寒甚

十七年春闖賊陷懷來經州境寇居庸關所經之地大疫

皇清順治六年五月淫雨水沒民居田畝

康熙七年淫雨七日夜大水淹沒民居田畝

十七年大水

十八年三月二十八日四月初三日大風拔木禾俱吹沒殆盡
十九年七月二十八日地大震河水蕩動幾竭十月十八日十
九日大寒民有凍死者

二十八年大旱秋淫雨成災民多流離賑之

延慶縣志

卷之二 星野

一四

二十九年大有

五十四年大水衝塞岔道城西門及關溝道路

五十六年春夏恆風拔木

五十八年正月大寒五月地微震

五十九年六月初七初八日地連震兩日壞民居人畜七月朔

日有食之

欽差大人并藩憲親履查賑

雍正五年正月大雪三日深數尺奇寒人畜有凍死者

乾隆元年稔

二年大水壞西新堡城居民徙城中避之永寧城決西水門壞

民田舍賑之

延慶縣志

卷之一 星野

一五

山川

古蹟附

墳墓附

峯峙川停拱衛森列平疇沃野造郭守民此前人建州之意山以藏風澤以通氣斯邦永奠矣故志山川於城池之前附古蹟於山川之左墳墓例得從焉

冠帽山 在州北十五里狀如幞頭故名

應夢山 在州北十八里相傳遼蕭后應夢建寺於其巔因名畫字山 按明一統志在州西南四十八里

羊頭山 在州南二十里形若羊頭故名

擎笏山 在州北十八里應夢山西孤立如擎笏故名腰有瀑布泉

延慶縣志

卷之一 山川

一六

香爐山 在應夢山前突出如香爐因名

鐘山 在應夢山西形如覆鐘巔有石如紐故名

石門山 在應夢山前有洞南北通明如門故名

大海陀山 在州西北二十里高聳萬仞上有龍潭層巒疊嶽雲生雨隨爲媿川八景之一

東螺山 按明一統志在州城西北三十三里山高七里許

西螺山 按明一統志在州西北六十七里

阪山 在州北十五里相傳軒轅與炎帝戰於阪泉即此

石佛山 按明一統志在州西北五十里岩中有佛像因名

大翻山 按明一統志在州北二十五里秦時有王仲者變李

斯小篆爲隸書始皇召不至遂檻車致之途中化大鳥飛去
落二關於此故名上有王仲廟今廢

草塌山 在州北二十里形如草塌故名

盤道山 在州北二十里

金剛山 在州東北二十五里兩山相抗勢如金剛故名

東岩山 按明一統志在州東北十八里下有東岩寺遺址

古城山 在州東北二十五里

筆架山 在州南十里三峯突起若筆架然故名

馬鞍山 在州東南十三里以形似故名

紅門山 在州東南二十里山高二里以其在明十三陵之後

延慶縣志

卷之一 山川

一七

故名

獨山 一名團山在州東三十里其形獨立故名

明成祖嘗駐蹕於此顧眺沃野因復設州治

歷山 按明一統志在州西北三十里形如覆釜

佛峪山 按明一統志在州西北三十里下有溫泉浴之可以

愈疾

神仙山 在永寧西北二十五里

王家山 在永寧東南六里

梁山 在永寧東二十里

多景山 在永寧西北十里